

Инсон ва қонун

2022 йил 28 июнь
сешанба
№ 24 (1332)

www.hudud24.uz
insonvaqonun@adliya.uz
fb.com/hudud24official/
t.me/hudud24official/

hudud24

Endi 24 soat siz bilan!

- Энг сўнгги хабарлар
- Ҳуқуқий маълумотлар
- Тахлилий мақолалар
- Мурожаатга жавоблар

www.hudud24.uz

МАТБУОТ ва ОММАВИЙ АХБОРОТ ВОСИТАЛАРИ

ҳодимлари кун

Жонажон Ўзбекистонимиз ўз тараққиётининг янги ва муҳим босқичига қадам қўяётган ҳозирги даврда медиа соҳаси вакиллари — журналист ва муҳаррирлар, режиссёр ва операторлар, блогерлар, теле-радио каналлар, газета ва журналлар, нашриёт ва босмахона ходимлари Ватанимизнинг демократик қиёфасини шакллантириш, уни дунёга тараqqиёт этишга беқиёс ҳисса қўшиб келаётганини эл-юртимиз яхши билади ва юксак қадрлайди.

Шавкат МИРЗИЁЕВ,
Ўзбекистон Республикаси Президенти

ХУШХАБАР

“ЁШЛАР УЧУН ЮРИДИК ЭНЦИКЛОПЕДИЯ” —

ТАНЛОВ
ҒОЛИБИ



“Болалар ва ёшлар учун энг яхши китоб” танловида “Адолат” миллий ҳуқуқий ахборот маркази томонидан нашр этилган “Ёшлар учун юридик энциклопедия” китоби муносиб тақдирланди.

Мазкур танловга 1 минг 800 дан ортиқ ариза келиб тушган бўлиб, танлов учта ёш категориясида уч ўрин бўйича ўтказилди.

Кеча “Адиблар хибони”да ғолибларни тақдирлаш маросими бўлиб ўтди. 1-ўринга 100 миллион, 2-ўринга 75 миллион, 3-ўринга 50 миллион сўм мукофот пули топширилди.

Ғолиблар қаторида “Мушуклар маликаси Минуш,” “Пеппи узунпайпоқ” (таржима), Тўлқин Нурмуҳаммаднинг “Нафс”, Саъдулло Қуронови “Галактикада бир кун” каби асарлари эътироф этилди.

1-ўрин Худойберди Тўхтабоевнинг “Сариқ девни миниб” ва Анвар Обиджоннинг “Мешполвоннинг саргузаштлари” асарлари учун адибларнинг яқинларига топширилди.

Ўз мухбиримиз



Инобат НОРМУРОВОВА,
тележурналист

ИЛК ЭФИР ВА 31 йил:

Телевидение ўз уйим каби қадрдон

ТЕЛЕВИДЕНИЕ мен учун ниятда муқаддас даргоҳ. Оиламни, ўзимни, ор-номусимни, обрўимни қанчалар ҳурмат қилсам, қанчалар асрасам, иш жойимни, жонажон телевидениенимизнинг номини шундай эҳтиёт қиламан, шундай асрайман, шундай авайланман. Чунки шу жойда ҳурмат-иззат топдим, дўст-биродар орттирдим. Шу ерда чопқиллаб-чопқиллаб ишлаб, фарзандларимни боқдим.

1991 йил ҳаётимда ниятда қадрли йил, умримда ўзгаришлар ясаган, катта муваффақиятлар олиб келган йил сифатида ёдимда қолган. Тошкент давлат университети Журналистика факультетини 1984 йилда тамомлаб, “Шарқ юлдузи” журналида иш бошладим. Тақдирни қарангки, 1990-1991 йилларда журналларда кетма-кет катта-катта публицистик материалларим босилди. Шулар сабаб бўлдим, ё омадимми, ризқ-наси-

бамми, 1991 йил 3 ноябрда телевидениега “Қизлар мушоираси”га чиққани келсам, ёзган мақоламни кўриб, “Сиёсат” студиясига ишга жалб қилишди.

Мен учун телевидение очилмаган кўрик эди. Кадр орти азобларини, меҳнатларини тушунмайман, ёшман. Маъмура Муҳаммаджонова исми ҳуқуқшунос аёл “Сиёсат” студиясида бош муҳаррир экан. Ёзган публицистик мақолаларимни бердим. Опа кўрдилар-да,

ёзганларингиз жуда яхши, лекин буни сценарийга айлантириш керак, дедилар.

Кейин мен сценарий ёзолмайману, опажон, дедим. Менинг назаримда, сценарий ёзиш жуда катта иш эди-да. Опа менга сценарий ёзиш жараёнини содда қилиб тушунтирдилар. Уч ойдан кейин менга гувоҳнома беришди.

Давоми 4-бетда >



Маруса ҲОСИЛОВА,
“Инсон ва қонун” мухбири

ЖУРНАЛИСТ

КИМ?




Журналист — давр садоси!

ЖУРНАЛИСТ — давр садоси, замон нафаси. Бугуннинг ёрқин суратини кўрсатиб бера оладиган, ҳар бир куннинг, ҳар бир лаҳзанинг ҳароратини юракларга етказа оладиган, муҳрлайдиган касб эгаси.


Ҳақиқий журналистикага ҳеч қайси замонда — ўтмишда ҳам осон бўлмаган, бугун ҳам осон эмас, эртага ҳам осон бўлмаслиги аниқ. Журналист шундай касб эгаси-ки, керак бўлса, жонини хатарга қўяди, таҳдидлардан, тазийқлардан қўрқмайди.

Ҳадиси шарифлардан бирида шундай ёзилган: “Кимки бирор камчилик ёки гуноҳ ишни кўрса, қўли билан тўхтатсин, агар қодир бўлмаса, тили билан қайтарсин. Агар бунга ҳам қодир бўлмаса, дилидан ўтказсин”. Журналист шунинг учун камчиликларни кўриб-кўрмасликка олиб кета олмайди. Чунки унинг виждони уйғоқ.

Давоми 4-бетда >



Демократик ислохотларни янги сифат босқичига олиб чиқиш учун янги Ўзбекистоннинг тарақиёт стратегияси ҳаётта тизимли ва изчил татбиқ этилмоқда. Бу орқали "Инсон кадри учун" деган устувор тамойил тўла рўёбга чиқиши кутилмоқда.



Шухрат РЎЗИНАЗАРОВ,
ТДЮУ Бизнес ҳуқуқ кафедраси профессори,
юридик фанлари доктори:

КОНСТИТУЦИЯ — бизнинг келажагимиз

ЯНГИ Ўзбекистонда замонавий конституциявий ислохотларнинг янги даври бошланмоқда. Давлатимиз Конституцияси бизнинг келажагимиздир. Барқарорлик ва миллий стратегик тараққиётимизнинг ҳуқуқий кафолатидир.

Мулксиз рақамли иқтисодий муносабатларни шакллантириб бўлмайди. Рақамли иқтисодиёт хилма-хил шаклдаги мулклар асосида рағнақ топади. Конституциявий нормалар иқтисодий фаолият ва тадбиркорлик эркинлигини кафолатлаш баробарида барча мулк шаклларида тенг ҳуқуқлилиги ҳамда ҳуқуқий жиҳатдан баб-баравар муҳофаза этишга хизмат қилади.

Мамлакатимиз Асосий Қонунда рақамли конституциявий-ҳуқуқий институтлар билан узвий боғлиқ ҳуқуқий кафолатлар тизимини яратиш объектив заруриятдир. Рақамли Конституция рақамли майдонда фуқароларнинг ҳуқуқ, эркинликлари ва мажбуриятларини кафолатлайдиган олий юридик кучга эга бўлган ҳужжатдир. Рақамли технологиялар тадбиркорлик фаолиятида фуқаролик муомаласининг ҳуқуқий табиатини тубдан ўзгартирмоқда. Янги рақамли институтлар, хусусан, рақамли ҳуқуқ, электрон шартнома, рақамли имзо, электрон ҳужжат айланиши, рақамли бизнес, рақамли хизмат, электрон пул, электрон тўловлар, крипто-актив, блокчейн технологиялари, сунъий интеллект, шахсга доир маълумотлар, рақамли майдонда шахсининг ҳуқуқий хавфсизлиги билан боғлиқ ўтмишда фан ва қонунчиликда маълум бўлмаган янги ҳуқуқий муносабатларни ақли тартибга солиш устувор аҳамият касб этмоқда. Рақамли реаллик шароитида рақобатчи янада ривожлантириш, тадбиркорликнинг янги йўналишларини ривожлантиришга қўшимча имкониятлар яратиш ҳамда аҳолига хизмат кўрсатиш тизимини такомиллаштириш вазифасини қўймоқда.

Мулкдор бўлиш ҳар бир шахсининг конституциявий ҳуқуқидир. Мулкдор бўлиш ҳуқуқининг конституциявий кафолатлари янгилаётган жамиятда инсон кадрини улуғлаш баробарида мустақил давлат тараққиёт стратегиясини ижтимоий ҳаётга татбиқ этиш учун хизмат қилади. Ўзбекистон Республикаси Конституцияси том маънода ҳар бир шахсининг мулк ҳуқуқ ва қонуний манфаатлари ҳимоясини таъминлашнинг ҳуқуқий воситасидир.

Рақамли ҳуқуқларни тан олиш ва ҳимоя қилиш зарурати бир қатор халқаро ҳуқуқий ҳужжатларда мустаҳкамланган. Дунёнинг саккизта етакчи давлатлари вакиллари томонидан қабул қилинган глобал ахборот жамияти (Окинава, июль 22, 2000) Хартия, тегишли сиёсат ва глобал тар-

моқларини оптималлаштириш ҳамкорлиқни рағбатлантириш, норматив-ҳуқуқий базани мустаҳкамлаш зарурлигини эълон қилди. Тармоқ бутунлигини суиистеъмол қилишга қарши қураш, тармоқ бутунлигини бузиш, рақамли тармоқлар бўлинишини камайтириш, одамларга сармоя киритиш ва глобал тармоққа кириш ва ушбу жараёнда иштирок этишни таъминлашни назарда тутди.

БМТ Бош Ассамблеясининг 2013 йил 18 декабрдаги "Рақамли асрда шахсий ҳаёт дахлсизлиги ҳуқуқи" Резолюциясида технологик ривожланишнинг жадал суръати дунёнинг барча минтақаларида одамларга янги ахборот-коммуникация технологияларидан фойдаланишга имкон беради ва шу билан бирга ҳукуматлар, компаниялар ва шахсларнинг қузатув имкониятларини оширади. Инсон ҳуқуқларининг бузилиши ёки бузиши мумкин бўлган маълумотларни ушлаб туриш ва тўплаш (айниқса, шахсий ҳаёт дахлсизлиги ҳуқуқи) назарда тутилган. Шу билан бирга, жамоат хавфсизлигини таъминлаш зарурати баъзи махфий маълумотларни йиғиш ва ҳимоя қилишни оқлаши мумкинлиги, ammo давлатлар инсон ҳуқуқлари соҳасидаги халқаро ҳуқуқий мажбуриятларига тўлиқ риоя этилишини кафолатлашлари кераклиги таъкидланган.

Хорижий давлатлар конституциялари иқтисодий тизимига оид нормалар таҳлили кўрсатишича, уларда тадбиркорлик эркинлиги, рақобатчи қўллаб-қувватлаш, устувор мавқени чеклаш, валюта сиёсати, солиқларнинг қонун асосида жорий этилиши, давлат бюджети, давлат ва жамият эҳтиёжлари учун тенг баҳоларда қўллаш шарти билан мулкдорлардан мол-мулкни олиб қўйиш шарти ва асослари назарда тутилган.

Хитой Халқ Республикаси Конституциясига кўра, "Фуқароларнинг қонуний хусусий мулкни дахлсиздир", "Давлат қонунга мувофиқ фуқароларни хусусий мулкдан маҳрум этиши ёки фойдаланиши ҳамда жамоат эҳтиёжлари мавжуд бўлганда қийматини тўлаши мумкин", "Давлат тежамкорлик режимини ҳаётда олиш-мал амалга оширади, талон-тарожликка қарши курашади", "Давлат иқтисодий қонунчилиқни қучайтиради, макротартибга солишни такомиллаштиради" деган нормалар мустаҳкамланганлиги диққатга сазовордир.

Россия Федерацияси Конституциясида "ахборот технологи-


яларни" татбиқ этиш, шу жумладан, ахборот технологияларини қўллашда, рақамли маълумотлар муомаласида шахс, жамият ва давлат хавфсизлигини таъминлашга оид нормалар назарда тутилган.

Беларусь Республикаси Конституциясидаги "Давлат шахсга доир маълумотлар ҳимояси ва ундан фойдаланишда шахс ва жамият хавфсизлиги учун шароит яратиши" деган норма ҳам аҳамиятлидир. Айниқса, ушбу давлатнинг "Давлат ёшларнинг маънавий, ахлоқий, интеллектуал ва жисмоний ривожланишини таъминлайди, уларнинг ижтимоий ҳаётда эркин ва самарали иштироки, бутун жамият манфаатида ёшлар салоҳиятини реализация қилиш учун зарур шароитларни яратиши" деган норма мамлакатимиз конституциявий ислохотларни амалга ошириш тенденцияларига тўлиқ мос келади.

Эстония давлати Конституциясига кўра, "Ҳар бир шахс унга ким томонидан ҳуқуққа хилоф зарар етказилган тақдирда маънавий ва моддий зиёнин қоплаш талаб қилиш ҳуқуқига эга". (25-модда) Шунингдек, мазкур Конституциянинг 32-моддасига кўра "Ҳар бир инсоннинг мулк дахлсиз ва тенг ҳимоя қилинади. Мулк мулкдорнинг розилигисиз фақат қонунда белгиланган ҳолларда ва тартибда умумий манфаатлар учун адолатли ва дарҳол қопланганда тасарруф этиш мумкин. Ҳар бир шахс унинг розилигисиз мулкни тасарруф этилган тақдирда судга мурожаат этиши ва мулкни тасарруф этиш оқибатида етказилган зарарини қоплаш ёки унинг миқдорини талаб қилиш ҳуқуқига эга". Шунингдек, "Ҳар бир инсон ўз мулкни эркин эгаллаш, фойдаланиш ва тасарруф этиш ҳуқуқига эга". "Чеклов қонунга мувофиқ белгиланади".

Рақамли технологиялар инсонларнинг иқтисодий ҳуқуқларини амалга оширишнинг конституциявий кафолатларини рўёбга чиқаришда гоята муҳим воситасидир. Жамиятнинг иқтисодий негизлари рақамли трансформациялашуvingнинг замонавий тенденцияларини инобатга олиб, конституциявий-ҳуқуқий институтларнинг монанд тизими яратилиши конституциявий ислохотларнинг муҳим босқичидир.

ЎЗБЕКИСТОН Республикаси Президентининг "Ўзбекистон Республикасининг "2022 йил учун Ўзбекистон Республикасининг давлат бюджети тўғрисида"ги Қонуни ижросини таъминлаш чора-тадбирлари тўғрисида"ги Қарорига мувофиқ, 2022 йил 1 июлдан бошлаб ишлаб чиқарувчилар учун этил спирти ва алкоғолли маҳсулотларни ишлаб чиқаришда солиқ органларининг ахборот тизимлари билан интеграциялашган электрон ҳисобга олиш ва ўлчаш ускуналаридан фойдаланиш мажбурий ҳисобланади.



2022 йил 1 июлдан бошлаб қўлгина корхоналар Солиқ кодексининг 337-моддасидаги **жисмоний шахслардан олинадиган даромад солиғини** 7,5 фоиз ставка бўйича тўлаш ҳуқуқига эга бўлишди. Товарларнинг (ишларнинг, хизматларнинг) электрон савдосини амалга оширувчи барча солиқ тўловчилар ушбу имтиёзни қўллашлари мумкин. Илгари имтиёз фақат Электрон тижорат субъектларининг Миллий реестрига киритилган солиқ тўловчиларга тақдим этилган.

Президентимизнинг "Тадбиркорлик фаолиятини қўллаб-қувватлаш давлат жамғармаси фаолиятини янада такомиллаштиришга доир қўшимча чора-тадбирлар тўғрисида"ги Фармонида асосан, 2022 йил 1 июлдан бошлаб Жамғарма томонидан кичик тадбиркорлик субъектлари лойиҳаларига тижорат бонкларининг миллий валютасида ажратиладиган, умумий қиймати 5 миллиард сўмдан, фоиз ставкаси Марказий банк асосий ставкасининг 1,5 бараваридан ошмаган кредит ва лизинглари бўйича унинг асосий ставкадан ошган, бироқ асосий ставканинг 30 фоизидан кўп бўлмаган қисmini қоплаш учун уч йил муддатга компенсация тақдим этилади.

Ўзбекистон Республикаси Президентининг "Давлат хизматлари кўрсатишни соддалаштириш, бюрократик тўсиқларни қисқартириш ҳамда давлат хизматлари кўрсатиш миллий тизимини ривожлантиришнинг қўшимча чора-тадбирлари тўғрисида"ги Фармонида мувофиқ, 2022 йил 1 июлдан бошлаб Тиббий фаолият учун лицензия, Фармацевтика фаолияти учун лицензия, "Архитектура-шаҳарсозлик ҳужжатларини ишлаб чиқиш фаолияти учун лицензия, Фискал хотирли назорат-касса машинасини рўйхатдан ўтказиш қарточкаси, Ўзбекистон Республикаси ҳудудида меҳнат фаолиятини амалга ошириш ҳуқуқини берувчи тасдиқнома ҳамда заргарлик буюмларини ҳамда қимматбаҳо металллар ва қимматбаҳо тошлардан ясалган боншқа буюмларини сотиш фаолиятини бошлаганлик ёки тугатганлик тўғрисида хабарномалар учун айрим талаб ва шартлари бекор қилинади.

2022 йил 1 июлдан бошлаб коммунал ташкилотлар томонидан аҳолидан, шу жумладан тадбиркорлик субъектларидан Президентимизнинг 2021 йил 23 мартдаги Фармонининг 4-бандида белгиланган фактларни тасдиқловчи ҳужжатларни ҳамда шахсони тасдиқловчи ҳужжатнинг нусхаси, шахсининг белгиланган шаклдаги фотосурати ва тиббий-ижтимоий эксперт комиссияларининг маълумотномаларини талаб қилиш тақиқланади. Шунингдек, 2021 йил 24 июлдаги Президент Фармонининг 5-бандида назарда тутилган фактларни тасдиқловчи маълумотларни ҳамда молиявий ҳисоботлар нусхаларини, жисмоний шахсларнинг охириги 12 ойдаги иш ҳақини тасдиқловчи маълумотномаларни ва ижтимоий нафақа ва пенсиялар тўланганлиги тўғрисидаги маълумотномаларини талаб қилиш бекор қилинади.

Максуд МУСТАФОЕВ,
"Адолат" миллий ҳуқуқий ахборот маркази
масъул ходими

Давоми. Боши 1-бетда К

1992 йил 8 март кuni илк бор қашқадарёлик биринчи тележурналист аёл бўлиб биринчи бор эфирга чиқдим. Эфирга чиқишим жуда аjoyиб бўлган. Уша пайтда қандай қилиб камерага қараб гапирганимни билмайман. Уша пайтда ўзи бошловчилик қилсин, кўрсатувларни ўзи олиб борсин, деган таклиф беришганида ҳайрон қолганман. Кейин кетма-кет эфирга чиқа бошладим.

Раҳматли Элбек Мусаев қизим, мана, эфирга чиқа бошлагиниз, билинги, ортингизда катта жамоа бор, дедилар. Шу бир гап билан ўта маданиятли бўлишимиз кераклиги ҳақидаги фикр ақлу шууримга жойланди. 31 йилдирки, ҳозиргача, ортимда катта жамоа бор, тасвирчи бор, чироқчи бор, монтажчи бор, жуда катта жамоа бор, деб тасаввур қиламан.

Фақат мен эмас эфирга чиқаётган, мана шу кўрсатув фақат мендангина иборат эмас, бу ерда бошқаларнинг ҳам меҳнати бор, бошқаларнинг ҳам обрў-иззати бор, деб тушунаман. Шу даргоҳдан обрў-иззат топдимни, шу даргоҳда ҳаммаша муқаддас деб билиш кераклигини англаб етдим. Ҳозиргача мени устоз деб келаётган йигит-қизларга биринчи марта айтадиган гапим бор. Уларга "Бу жойингиз қадрига ет, эъзозла, обрўсини сақла. Уйингиз еъзозлагин", деб ўргатиб келаман.

Режиссёр Тамара Маҳмадова билан ҳамкорликда илк бор тонгга дастурда эфирга чиқдим. Ҳозирги "Ассалом, Ўзбекистон" дастури — "Ассалому алайкум" кўрсатувини Шўҳрат Қаюмов, Раҳматилла Мирзаев, Фарход Бобононов, Абдумўмин Ўтбосаров билан олиб бориб, бошловчилар қилдим. Ҳеч эфирга берилмаган, ҳатто айтилмаган мавзуларни излаб, фаррошлар ҳақида лавҳа тайёрладим. Биз унчалик ҳам эътибор қилмайдиган, меҳнати энг кўп, лекин доим эътибордан четда қоладиган фаррошларнинг ички кечинмаларини очишга ҳаракат қилдим. Кўрсатув ўз-ўзидан катта шов-шувга сабаб бўл-



ИЛК ЭФИР ВА

31 йил:

Телевидение ўз уйим
каби қадрдон

ди. Қахрамоним битта хонадонда олти келин билан яшаётган фаррош аёл эди. Олти келин, ўн иккита фарзанд, бир қанча неваралари бор аёл. Тасаввур қиласизми, олти келин билан хотир-жам яшашни? Мурося мадора қилиб яшаш учун аёлда маънавият кучли бўлмаса, бундай оилада яшаш жуда қийин. Ҳар бирига, ҳар бирининг характери, қиёфасига, табиятига қараб гапирди, муомала қилади, бу осон иш эмас. Иш жойларига бордим, суҳбатлар қилдим. Суҳбатлар орасида аёлдаги сир-синоат, муомала-муроса маданияти, ўқиган китоблари, газета-журналлар ҳақида суҳбатлашдим.

Янги лойиҳалар қилиш, янги-янги кўрсатувлар тайёрлаш бўйича таклифлар билан бош муҳаррирга кирдим. У пайтда фақат битта "Ўзбекистон" телеканали бор эди. Лойиҳаларим маъқул келди. "Юрт ҳақида кўшиқ" бадий-публицистик кўрсатувини бошладим. Юрtnинг тарихи, адабиёти, санъати, қишлоқ ҳўжалиги, фуқароларнинг турмуш тарзини эфирга олиб чиқиш олдимдаги катта мақсад бўлди.

Кейинчалик "Аёл ҳақида сўз" кўрсатувини, "Сиёсат" студияси режасига асосан "Парламент вақти", "Долзарб мавзу", "Инсон ва қонун", "Маслак ва мақсад", "Фуқаролик жамияти сари" каби кўрсатувларни ҳам тайёрлаб келдим. Уша йиллар тажриба орттирдим. Жамоамизда ишлаётган сиёсий шарҳловчи бўлган

тажрибали журналистлар Турсун Қоратоев, Маъмура Муҳаммадҷонова, Муаттар Асқарова, Ҳакимжон Соатов, Сафар Романов, Бахтиёр Муҳаммадиев, Қобилбек Қаримбеков билан ишлаб, шакллана бошладим.

1992 йилда Ўзбекистон Республикасининг Конституцияси лойиҳаси муҳомадага қўйилди. Икки ой умумхалқ муҳомадаси бўлди. Мана шу муҳомада жараёнларида жуда қаттиқ ишладик. Халқнинг таклифларини, фикр-мулоҳазаларини олиб келганмиз. Ёшимиз, қайноқмиз, совуққям қарамаймиз. Кун жуда совуқ эди қиш ойлари эди, эсимда. Жамоамиз жуда чиройли эди, аҳил эди. "Сиёсат" студиясида ишлайдиган ҳуқуқшунослар, сиёсатчи-шарҳловчилардан иборат жуда яхши жамоа эдик. Бир тану бир жон бўлиб ишлай бошладик.

Ўзбекистон Республикасининг Конституцияси қабул қилинди. Мамлакатимизнинг парламенти шакллантирилди. Давлатимиз раъмлари қабул қилинди. Шу йилларда "Сиёсат" студиямизнинг олдига жуда катта вазифалар қўйилганди. "Сиёсат" студиясида сессиялар, сайловлар, референдум, ҳукумат тadbирлари бўйича кўрсатувлар, информацион дастурлар эса, "Ахборот" студиясида тайёрланарди.

Уша йиллари Олий Кенгаш сессиялари, Ўзбекистон Республикасининг Конституцияси мазмун-моҳияти тўғрисида "Ҳаётимиз қомуси" номли кўрсатув дунёга

келди. Ҳозиргача Конституцияга бағишланган мана шу кўрсатувни, "Парламент вақти" кўрсатувини тайёрлаб келаман.

Олий Мажлис фаолиятидан кўрсатув тайёрлашим учун парламент фаолиятини икки йил мустақил ўргандим. 2000 йилда биринчи бўлиб эркин мавзуда "Депутат" номли кўрсатувни юзга келди. Олий Мажлис фаолиятидан янги кўрсатув тайёрласам, очилмаган томонларини очсам деб ният қилгандим. Парламентда ишлаётган депутатлар аслида нима иш қилади, қўмиталар нима, фракция нима, қонунлар қандай тайёрланади, шу жараёнларни ўрганиб, парламентимиз ҳаётидан янги кўрсатув олиб чиқишга ҳаракат қилдим.

Мендан жуда кўп сўрашди. Қандай шунча йил битта кўрсатувда ишлагиниз, хатолар қилмадингизми, гап эшитмадингизми, деб. Албатта, ишда хато бўлади. Ҳамма вақт шу масъулиятни ҳис қилиб тураман. Депутатлар гоҳида уч ойлаб, битта қонун лойиҳаси устида олти ойлаб ишлашади. Бир хил қонунлар муҳомадаси бир йиллаб ҳам чўзилади. Лекин мен ҳар ҳафтада битта қонун муҳомадасини бераман ёки депутат фаолиятини ёритаман.

Бугунги кун журналисти кечаги кун журналисти эмас, бугунги кун томошабини кечаги кун томошабини эмас. Шуни ҳис қилишимиз керак. Мен бугун ишга келаётган ҳар бир ёшга шуни айтаманки, телевидение уйингиз муқаддас даргоҳ. Бу ерда жуда кўп устозларимиз ўтиб кетди. Ўтган йиллар орасида ниҳоятда яхши устозлар билан ишладим. Гоҳида яхши мактабни кўрдим.

Телевидениеда иш бошлаганимга 31 йил бўлди. Журналистикадаги умумий иш фаолиятимга эса 43 йил тўлди. Умрининг тенг ярми Ўзбекистон телевидениесида ўтди.

Ҳамкасбларни касб байрамимиз — Матбуот ва оммавий ахборот воситалари ходимлари кuni билан табриклайман! Барча журналистларга ижодий муваффақиятлар ва қизгин ижод завқини тилайман!

ЖУРНАЛИСТ КИМ?

Ўзининг кўзида ёш бўлса-да, ўзганин кўз ёшини
тўхтатмоқчи бўлган инсон...

Давоми. Боши 1-бетда К

Журналист —
юрадан-юракка ўтувчи
йўлларнинг кўприги

Инсонга таскин, тасалли берувчи журналистнинг мададага муҳтожларни кўра оладиган қалб кўзи бор. Ўзи ёрдамга муҳтож бўла туриб, ундан нажот кутганларга ёрдам берадиган, ўзининг кўзи тўла ёш бўлса ҳам бировнинг кўз ёшларини артмиша куч топа оладиган қудрати бор журналистнинг. Чунки ҳаёт қувончлари ва ташвишлари мудом ёнма-ён экан, фуқароларимиз ўз дарду дунёси, гаму ташвишлари билан не-не идораларга бош уради. Энг сўнгги илинж истаб, уларни сарсон-саргардон қилган кимсалардан шикоят қилиб, таҳриратларга журналистларнинг хузурига боришга ошиқади. Сўнгги нажот остонасида уларнинг кўкрагидан ҳеч ким итармаслигини, дардини тинглайдиган журналист борлигини яхши

билиди. Кимдир кўчада қолдим, уй ололмадим, кимдир пенсияга чиқа олмаган, кимдир ноҳақликдан ишдан бўшатишди, тиклашга ёрдам беринг деса, яна кимдир ногирон бўла туриб, "ногирон эмас"лиги борасидаги бузилган ҳақ-хуқуқимни тиклаб беринг, фирибгарлардан панд едим, зўравонлик қурбони бўлган, ўз ерим ўзимга тегмаяпти, коррупция ва бюрократларнинг дастидан дод..., деб мурожаат қилади.

Одамлар журналистга адолат истаб, ҳақиқат истаб мурожаат қилишади. Журналист улар билан бирга ҳақиқатнинг ёпиқ эшикларини ортида қанчалар музтар бўлиб сарғаяди, адолатнинг кўчаларида саргардон кезади. Қайсидир маҳкамалардаги ҳақсизликлар сабаб азият чеккан шахс ва унинг яқинлари билан бирга изтироб чекади, ҳақиқатни излаб курашади. Журналист суриштируви давомида жуда "баланд" турувчи идораларга бош сукавериб, югравериб, пешонаси қанча деворларга тегеди. Ойлаб,

йиллаб битмаган ишлар битса, муаммолар ҳал этилса, бир гап-бир кўнглини шод қилгани учун бахтиёрликдан ўзини қўярга жой топа олмайд.

Журналист — қалб
меъмор

Журналист — бошқаларнинг муаммолари, деб бош орган эшиклар бир кун ўзига керак бўлганида, очилмаслигини била туриб ҳам одамларга яхшилик қилишга ўрганган касб эгаси у. Вақти келиб, ҳақ сўзи айтгани учун, қўлини осмонга узатса етадиган айрим амалдорларнинг "тинчини бузгани" учун суд залигага боришга ҳам тайёр бўлган жасоратли касб эгаси у. Ҳаётда нималар бўлмайди дейсиз? Айрим ҳолларда фуқароларнинг ҳақ-хуқуқларини бузганлар, давлат мулкни талон-торож қилган юзи қоралар қўлиб бўлиб, бу камчиликларни топиб ёзгани, айбдорни ошкор қилгани учун журналист мағлуб бўлган ҳолатлар ҳам афсуски, йўқ эмас.

Адабиётшунос олим Иброҳим Ҳаққулнинг "Ҳақиқатни

айтадиган одамнинг кафани елкасида бўлиши керак..." деган фикрлари нақадар ҳақлигини яна бир бор аниқлаймиз.

Бугуннинг
нафаси ўзгача...

Тўғриси тан олиш керак, бугун сўз эркинлиги қорғозда эмас, амалда ҳам бор. Гарчи, босма оммавий ахборот воситалари ўз ёнига ўзи қоврилиб юрган бўлса-да, ҳар ҳолда кўнглимиздаги сўзни айтиш имкониятларига эгамиз. Давлатимиз раҳбарининг "Оммавий ахборот воситаларини ҳар томонлама қўллаб-қувватлаш давом эттириб, журналистларнинг эркин фаолият юритиши учун зарур шарт-шароитлар яратилади. Мен, ҳақиқат ва адолатни ўз эътиқоди деб биладиган барча журналистларни — ислохотларнинг фаол иштирокчилари, ўзимнинг энг яқин дўстларим деб биламан ва улар ҳаммаша Президент ҳимоясида бўлади" — деган сўзлари албатта биз — журналистлар учун жуда қадри.

Дарҳақиқат, бугунги журналистика анча замонавийлашганини, ўткирлашганини кўришимиз мумкин. Ўзбекистон Журналистлари ижодий уюшмаси фаолиятининг халқаро аҳамият касб этаётганлиги, қатор давлатлар журналистлар ижодий уюшмалари билан меморандумлар имзоланиши, ижодий сафарлар, тажриба алмашишлар, халқаро танловларда иштирок этиш — буларнинг

барчаси Ўзбекистоннинг халқаро имиджини мустаҳкамлаш билан бир қаторда соҳа эгаларининг ўзига ишончини, касбига муҳаббатини ва садоқатини яна бир қарра мустаҳкамламоқда. Журналистларни қайта тайёрлаш маркази томонидан ташкил этилаётган тренинг ва тadbирлар эса кадрлар салоҳиятини оширишга хизмат қилмоқда. Кейинги йилларда журналист кадрларни тайёрлайдиган олий таълим даргоҳларининг қўйилганлиги, "Янги медиа таълим маркази" нодавлат нотижорат ташкилоти фаолият кўрсатаётганлиги, "Замонавий журналистикани ривожлантириш" маркази иш бошлаганили соҳадаги ислохотлардан дарак беради.

Матбуот ҳар бир замон, ҳар бир давлат ва жамият мафкурасининг ўткир қуроли бўлиб келган. Шундай экан, сиёсий ислохотларнинг ҳар қандай босқичида мафкуранинг демакки, матбуотнинг ўрни бекиёс.

Ўртимизда Бош қомусимизга ўзгартиш ва қўшимчалар киритиш жараёнлари кечаётган айни кунларда матбуот ва оммавий ахборот воситаларини қўллаб-қувватлаш борасида илгор давлатлар тажрибасидан қолишмайдиган янги нормалар киритилиши тарафдоримиз.

Ҳар бир сўзга умрини бағишлаган, ҳар бир ҳарф устида ҳушёр турадиган, ҳар қандай вазиятда, ҳар қандай шaroитда даврнинг садоси бўлиб мағрур ҳолда майдонга чиқадиган фидойи ҳамкасбларимиз, байрамнингиз муборак бўлсин!

Ойни этак билан ёполмайсиз?...

ИЖТИМОЙ тармоқларда норасида боласини ваҳшийларча аёвсиз ураётган самарқандлик аёл видеоси тарқалгандан бери минг хил фикрлар, тахминлар, таклифлар, жазоларга маҳкум қилиш ҳақидаги қатъий талаблар ўртага ташланди. Бахтсизликка, ночорликка, имконсизликка, камбағалликка исён бу, деган аччиқ талаффузлар такрор-такрор тилга кирди. Онани ёқлаш, жамиятни қоралаш, амалдорларни айбдор қилиш... хуллас, кўп иддаолар ҳақида ҳам турли фикрлар билдирилди.

Аммо оналар бахтиқароликка исён сифатида ўз дилбандига озор бериш билан ечим топаман, деб ўйласа катта хато қилади.

Бу ваҳший она лавҳасини кўриб, ҳар қандай одамнинг юраги ларзага келади. Нақадар бешафқатлик, нақадар разиллик... Ҳатто суратни қайта кўришга ҳам юрагингиз дов бермайди.



Оналик бахтини,
масъулиятини
унутган аёл

Авваллари одамзод йиртқич
ҳайвонлардан ўз боласини
ҳимоя қиларди. Энди эса
энг ваҳший ҳайвонлар ҳам
боласини одамдан ҳимоя
қилаётган замонда
яшашмиз.

Норасида бола бечоранинг жони ҳали ҳам қаттиқ экан. Бу дўппослашларда, бу қадар силташларда кўл оёғи синмаганига шукр. Бу қилмиши учун мингта сабаб, мингта баҳона бўлса ҳам, онани ёқлай олмайман. У оналик бахти, оналик масъулиятини унутган аёл. Онанинг боласига бу қадар шафқатсизлигини кечириб бўлмайди. Бошига қилич келганда ҳам болам дейдиган оналарнинг авлодидан эмасмидик? Ахир кўчада ҳатто бегона боланинг йиғлаб турганини кўрсак, ўзимиз билмаган ҳолда беихтиёр унинг ёнига югуриб боришга, уни овутишга ўрганганмиз-ку!

Тарих ҳам болалар учун ҳамма нарсадан воз кечишимиз ва уларга бор меҳримизни беришимизнинг ўзи бир саодат эканлигини аллақачон исботлаб берган. Урушнинг оғир йилларида, урушдан кейинги очарчилик, ҳақатчилик йилларида оила бошлиғи фронтдан қайтмаган оилаларнинг аёллари суянадиган ҳеч қимми қолмаган энг оғир даврларда ҳам тош келса кемириб, сув келса симириб, бир этак боласини бировага муҳтож ёки хор қилмасдан вояга етказганлигини кўп ўқиганмиз, шундай муқаддас оналарни йўқ, аммо боласини бағрида ардоқлаб, улардан меҳрини аямасдан яшаётганлигидан хабардормиз-ку.

Биз эса.... Биз қатор-қатор рисоалар билан ном чиқаргандан кўра, Халқаро

машваратларда аёл, оила, фарзанд ҳақида баландпарвоз маърузалар ўқигандан кўра, одамлиқни бошқаларга ўргатгунча, ўзимизга ўргатсак бўлмайди-ми?

Мен амалдор хонимлар кўлайганига асло норози эмасман. Аммо уларнинг аксарияти ўз вазифаси аёлларнинг кўз ёшини, болаларнинг дардини аритишдан иборат эканлигини тушунмагандан, иш қунини шундан бошлаб, шундан тугатишга ўрганмагандан норозиман.

Оналик меҳрини
ҳеч нарсага
қурбон қилманг!

Кўпчилик ушбу фожианинг илдинини тиббиётнинг ожизлиги-ю, тиббиёт ходимларининг нўноқлиги, барча босқичдаги амалдорларнинг коррупция ботқоғига ботиб қолганлиги билан изоҳлашди. Тўғри, бу иллатлар бир тараф, аммо оналик деган буюк салтанат бир тараф. Оналик меҳрини бу иллатларга ва ҳеч нарсага қурбон қилиб бўлмайди...

Аёл бахтсизман, деб боласи билан ўзини сувга отса, бахтиқароман, деб боласи билан бирга ўзини машина остига ташласа, ўз жонига қасд қилса... Бу фожиаларни маҳалла-ю оилага, хотин-қиз-

ларга дахлдор кўмиталар, уларнинг бир қанча бошқарма-ю бўлимлари "поезд кетгандан" кейин билса... Билса-ю, барча айбни ўзидан эмас, бировдан изласа, барчасини аёлнинг ўзига ағдарса. "Ўзи ёмон, ахлоқсиз аёл эди, ёки руҳий носоглом эди..." деб бу бахтсиз фожиага нукта қўйиб хотиржам юрса. Ойни этак билан ёпмоқчи бўлса...

Азиз замондошим! Биз қайси дарёдан сув ичганимиз ўзи? Ўйлаб кўрдингизми, биз сув ичган дарёлар наҳотки қуриётган бўлса? Маънавиятдан, маърифатдан, одамлиқдан йироқлик, саводсизлик ҳам бизни жар ёқасига, ҳалокат саҳросига етакламайптими? Биз оддий муаммоларни еча олмай, гангиб қолишга, ўзимизни унутишга ўрганмайлмик. Яшаш учун курашиш, ҳаракат қилиш кераклигини унутмайлик!

Боласи ногирон экан-ку, деб ҳам бу аёлнинг қилмишини оқлаб бўлмайди. Ногирон боласи борларга Яратган ажру мукофотини Ўзи берсин. Оллоҳ узрли қилиб яратган инсонни хўрлаш, унга озор бериш, таҳқирлаш эса юз қарра гуноҳлигини қачон тушунамиз? Тўғри, ногирон бўлиб тутилган боласига ногиронлиқни расмийлаштириш учун ҳам йиллаб сарсон бўлганлар бор. (Бу бошқа мавзу.)

Бир жуфт пайпоқ
билан камбағалликни
тугатиб бўлмайди

Агар аёл камбағалликка исён қилаётган бўлса, кам-

бағалликни қандай тугатамиз, деб жиддийроқ бош қотириш керак! Тадбирларда маърузалар биланми ёки сохта ҳисоботлар биланми!? Йўқ! Асло! Ночор оилага бир кунга етadиган озиқ-овқат маҳсулотини-ю, бир жуфт пайпоқ ёки бир шиша ёғ берган билан камбағалликни ҳаргиз тугата олмаймиз!

Камбағалликни тугатиш учун энг аввало оққўзликни тугатиш керак! Буни оддийгина қилиб тушунтираман: чуқки биз кийим-кечагимиз ҳаддан кўп-лигидан қай бирини кийишни билмай турган вақтимизда қайсидир замондошимиз одмигина йиртиқ кўйлаги билан кўчага чиқа олмай оғринаётганини ҳис этишимиз керак. Биз сочимизни янги урфда турмаклаш учун гўзаллик салонига кираётган чоғимизда, қай бир замондошимизнинг сочини эмас, ҳатто кўлини ювишга ҳам суви йўқлигини англашимиз керак.

Амалдорсиз
ташқилот керак!

Тўғри, жамғармалар, жамиятлар, ташқилотлар кўп, аммо керакли жойда, керакли одамга, керакли лаҳзаларда керакли ёрдамни бера оладиган, юзта қоғоз билан эмас, битта аниқ мақсад билан ёрдам берадиган оддий жамғарма — оддий ташқилот керак. Аёлларни ҳимоя қиладиган ордерлар, реабилитация марказлари, "аёллар дафтари"... Булар камлик, кучсизлик қиляптими, демак, жамиятдаги ўпқон жуда катта. Буни ҳудди даҳшатли сув тошқинини битта тош билан тўхтатиб бўлмаслигини англагандек

англашимиз керак. Барчамиз биргаликда шунга бош қўшайлик. Ўйлаб кўрайлик! Амалдорсиз ташқилот керак бизга! Ёрдам сўрамаса ҳам, ёрдамга муҳтожлигини биладиган, бахтсизлигини яширса ҳам унга ҳамдарад кераклигини англайдиган қоғозбозликдан холи, қалбни тушунадиган меҳр улашадиган ташқилот керак аёлларга! Ўзгина ёрдам бериб миннат қиладиган, юз марта ижтимоий тармоқлару оммавий ахборот воситаларида суратлар билан "довруғини дoston" қиладиган ташқилотлардан, ўзи хизмат хонасида ўтирган бўлса ҳам постдаги кўриқлаш хизмати ходимига "мени хизмат сафарига кетган деб айтинг, қабулимга ҳеч қимми киритманг" деб сиёсат қиладиган, ундан нажот истаб келганларни менсимайдиган амалдорлардан воз кечайлик! Шундагина жамиятнинг жароҳатларини даволашимиз, аёлларнинг дарду ғамини шундагина камайтиришимиз мумкин! Болаларнинг кўзларида шунда бахтиёрликни кўришимиз аниқ, боласи бахтли аёл эса сўзсиз саодатли аёлдир!

Ҳар биримиз кўша-кўша бойликларимиздан кўнглимизни узиб, ёрдамимизга, марҳаматимизга муҳтож замондошларимиз, ҳамюртларимиз ҳақида ўйлашга вақт топайлик! Мавлоно Жалолиддин Румийнинг "Қалбга киритилган энг яхши сармоя бу — марҳаматдир..." деган ўлмас ҳақиқатига амал қилайлик! Бу мавзуга яна қайтамиз. Сиз нима дейсиз, азизлар?!

Маруса ҲОСИЛОВА,
"Инсон ва қонун" муҳбири

БУХОРО

МАМЛАКАТИМИЗДА халқ оғирини енгил қилиш, уларга “давлат — фуқаро” муносабатларида қулайлик яратиш ва шаффофликни таъминлаш мақсадида давлат хизматлари кўрсатишнинг янги концепцияси илгари суриляпти. Бу эса ўз-ўзидан аҳолининг ҳаёт сифати, инвестиция иқлими, ишчанлик муҳитини яхшилаш ва тадбиркорлик фаолиятини ривожлантиришга имкон беради.

Онлайн давлат
хизматларидан
фойдаланиш
кўрсаткичи ошмоқда



Президентимизнинг 2022 йилнинг 20 апрелда имзолаган 113-сонли Фармонида аҳоли ва тадбиркорлик субъектларига давлат хизматлари кўрсатиш бўйича вазифаларни амалга оширишда ўзига ўзи хизмат кўрсатиш учун зарур шарт-шароитлар яратиш, аҳоли ва тадбиркорлик субъектларининг давлат хизматларидан мустақил фойдаланиш кўникмаларини ошириш Адлия вазирлигининг устувор фаолият йўналишларидан бири этиб белгиланди.

Ушбу вазифа ижросини таъминлаш мақсадида Бухоро вилоятда аҳолига давлат хизматларини қулай ва осон шаклларда кўрсатиш кўламини ошириш ва фуқароларнинг идорама-идора сарсон бўлишининг олдини олиш, фуқароларнинг масофадан туриб электрон давлат хизматларидан мустақил фойдаланиш имкониятларини кенгайтириш учун “Қарши тажрибаси” асосида маҳалла

фуқаролар йиғинлари билан ҳамкорликда ишлар ташкил қилинган.

Бундан ташқари, ДХМларида “ўз-ўзига хизмат” зоналари ташкил этилиб, давлат хизматларидан мустақил фойдаланишни хоҳловчи фуқароларга ЯИДХП орқали фойдаланишда кўмаклашилмоқда. Бу эса фуқаролар томонидан марказларга ташриф буюрмаган ҳолда масофадан туриб мустақил равишда давлат хизматларидан фойдаланиш имконини бермоқда ва натижада вилоятда онлайн давлат хизматларидан фойдаланиш кўрсаткичлари ошмоқда.

Аҳолининг онлайн давлат хизматларидан фойдаланишини рағбатлантириш мақсадида қонунчиликда ҳам имтиёзлар белгиланган, яъни белгиланган тўловлар 90 фоиз миқдорда ундирилди. Ушбу ҳолат ҳам аҳолини давлат хизматларидан масофадан туриб фойдаланиш

кўникмалари ошишига хизмат қилмоқда.

Юқоридаги Фармонга асосан ЯИДХПда айрим давлат хизматларидан фойдаланиш учун электрон рақамли имзо билан тасдиқлаш талабининг бекор қилиниши, давлат хизматларидан фойдаланиш учун шахсни идентификациялашнинг мавжуд тизим ва воситаларига қўшимча равишда жисмоний шахсни идентификациялашнинг Мобил-ID тизими жорий қилиниши, мобил иловаларнинг такомиллаштирилиши, банкоматнинг 24 соат ишлаши жорий этилиши ҳам фуқароларнинг давлат хизматларидан масофадан туриб фойдаланишига бу эса ортқча вақт ва харажатнинг олди олинишига хизмат қилади.

Қайим ХОЛОВ,
Бухоро вилоят
адлия бошқармаси
бошлиғи ўринбосари

НАМАНГАН

УЧҚЎРҒОН туманидаги “Чек” маҳалласида яшовчи фуқаро А.Бахрамовнинг мурожаати Наманган вилоят адлия бошқармаси томонидан ўрганилди.



Ўқитувчига салкам

100 МИЛЛИОН
сўм устама пули тўлаб
берилди

Ўрганиш жараёнида аниқланишича, А.Бахрамов 1991 йил 25 мартда математика фани бўйича республика (жумҳурият) олимпиадасида эришган муваффақиятлари учун 3-даражали диплом билан тақдирланган. Ҳозирда Учқўрғон туманидаги 43-сонли давлат ихтисослаштирилган умумтаълим мактабида математика фанидан дарс бериб келаётган ўқитувчи иштирок этган математика фани бўйича республика олимпиадаси Ўзбекистон Республикаси давлат Мустақиллигини кўлга киритмасдан олдин ўтказилганлиги сабабли унга устама пулини ҳисоблаш ва тўлаб беришда ноаниқлик вужудга келган. Шу боисдан унга қарорда назарда тутилган устама пуллари тўлаб берилмаган.


Ноаниқликни бартараф этиш мақсадида адлия бошқармаси томонидан вилоят халқ таълими бошқармаси орқали Халқ таълими вазирлигига сўров хати билан мурожаат қилинди.

Халқ таълими вазирлигининг 2022 йил 18 апрелда халқ таълими бошқармасига йўллаган жавоб хатида фуқаро А.Бахрамов олимпиада ғолиблигини тасдиқловчи ҳужжат ва сертификатни тақдим этган тақдирда, унга белгиланган устамани тўлаш мақсада мувофиқлиги баён қилинган.

Шунга кўра, адлия бошқармаси томонидан халқ таълими бошқармасига Учқўрғондаги 43-сонли ихтисослаштирилган мактаб ўқитувчиси А.Бахрамовга Президентимизнинг 2019 йил 3 майдаги 4306-сонли Қарорининг тегишли бандига мувофиқ, ҳар ойлик устама пулини қайта ҳисоб-китоб қилиш ва тўлаш юзасидан тақдимнома киритилиб, унга ҳисобланган 92 миллион 676 минг 421 сўм устама пули тўлаб берилиши таъминланди.

Абдурахим МУСАШАЙХОВ,
Наманган вилоят адлия
бошқармаси масъул ходими

БУХОРО



Мурожаат
пайсалга солинса

“ЧЎНТАККА”
зарар бўлади

ДАВЛАТИМИЗ раҳбарининг “Давлат хизматлари кўрсатиш инфратузилмасини такомиллаштириш ва аҳолининг давлат хизматларидан фойдаланиш имкониятларини кенгайтириш чора-тадбирлари тўғрисида”ги Фармони асосида жисмоний ва юридик шахсларга қатор имтиёзлар яратилди. Мазкур Фармон билан кўрсатиладиган давлат хизматлари учун ундириладиган бир қанча давлат божлари камайтирилди. Хизмат кўрсатиш учун талаб қилинадиган муддатлар сезиларли қисқартирилди. Реал мисоллар би-

лан айтадиган бўлсак, жисмоний ва юридик шахслардан 16 турдаги маълумотномаларни талаб қилиш бекор қилинди. Яъни, айрим турдаги маълумотлар ва электрон кўришнидаги ҳужжатларни “Электрон ҳукумат” тизими идоралараро интеграциялашув платформасидан фойдаланган ҳолда бериш тартиби жорий қилинди.

Соҳада жорий қилинган муҳим янгилıklarдан бири — эндиликда давлат хизматларини кўрсатувчи ташкилотлар томонидан кўрсатиладиган хизматлар қонунчилик ҳужжатларида белгиланган мудда-

тидан уч иш кунидан ортқ вақтга кечиктирилганда, ариза берувчиларнинг мурожаатларига асосан, хизматдан фойдаланиш учун тўланган давлат божлари, йиғимлар ва бошқа ҳар қандай тўловларнинг 50 фоизи уларга бир иш кунда қайтарилади. Ариза берувчига эса тегишли давлат хизмати тўлиқ ҳажмда кўрсатилади.

Мазкур жараёнинг аҳамиятли жиҳати шундаки, эндиликда давлат хизматларини кўрсатувчи ташкилотлар жисмоний ва юридик шахсларнинг мурожаатларини пайсалга солмасдан, ўз вақтида сифатли ва тезкор кўриб чиқади. Чунки, давлат хизматини кўрсатувчи ташкилот фуқаронинг мурожаатини пайсалга солса, бу ўзининг чўнтагига қимматга тушади. Бундан ташқари, агентликнинг тегишли бўлимлари томонидан маъмурий баённома ҳам расмийлаштирилади.

Шухрат УМЕДОВ,
Бухоро вилоят адлия
бошқармаси масъул ходими

СИРДАРЁ

Лицей ўқитувчисининг
имтиҳон харажатлари
қоплаб берилди



ИРОДА Наврўзова Гулистон давлат университети қошидаги академик лицейда инглиз тили фанидан дарс беради. У жорий йилнинг 9 апрель куни С1 даражадаги халқаро тан олинган сертификатга эга бўлди. Бироқ академик лицей томонидан И.Наврўзовага ушбу сертификатни олиш билан боғлиқ имтиҳон харажатлари қоплаб берилмади. Мазкур ҳолатдан норози бўлган И.Наврўзова амалий ёрдам сўраб, Сирдарё вилоят адлия бошқармасига мурожаат қилди.

Мурожаат қонун доирасида ўрганиб чиқилганда лицей ўқитувчисининг эътирози асосли эканлиги, унинг қонуний ҳуқуқлари бузилганлиги аниқланди.

Жумладан, Президентимизнинг 2021 йил 19 майдаги “Ўзбекистон Республикасида хорижий тилларни ўрганишни оммалаштириш фаолиятини сифат жиҳатидан янги босқичга олиб чиқиш чора-тадбирлари тўғрисида”ги Қарорига мувофиқ умумий ўрта, ўрта махсус ва профессионал таълим муассасалари ўқитувчиларининг камида С1 даражадаги халқаро сертификатни олиш учун имтиҳон топшириш билан боғлиқ харажатлари давлат бюджетидан педагог кадрлар малакасини ошириш учун ажратиладиган маблағлар,

давлат олий таълим муассасалари ўқитувчиларининг харажатлари эса олий таълим муассасаларининг ўз маблағлари ҳисобидан қопланиши белгиланган.

Юқоридагиларга асосан, Гулистон давлат университети қошидаги академик лицейга вилоят адлия бошқармаси томонидан тақдимнома киритилиб, И.Наврўзовага академик лицей томонидан сертификатни олиш билан боғлиқ 675 минг сўм имтиҳон харажатлари қоплаб берилди.

Тимур КАРИМОВ,
Сирдарё вилоят адлия бошқармаси
масъул ходими



РЕФЕРЕНДУМ ҚАНДАЙ ЎТКАЗИЛАДИ?

2022 йил 16 июнда қабул қилинган “Ўзбекистон Республикасининг айрим қонун ҳужжатларига ўзгартириш ва қўшимчалар киритиш тўғрисида”ги Қонуни билан “Ўзбекистон Республикасининг референдуми тўғрисида”ги Қонунига бир қатор ўзгартириш ва қўшимчалар киритилди.

Шуни алоҳида таъкидлаш лозимки, референдумга тайёргарлик қўриш ва уни ўтказишга доир барча тадбирларда сиёсий партиялардан, фуқаролар ташаббускор гуруҳларидан қузатувчилар, оммавий ахборот воситаларининг вакиллари билан бир қаторда фуқароларнинг ўзини ўзи бошқариш органларидан ҳам вакиллар қатнашиш ҳуқуқига эга бўлди. Эндиликда манфаатдор ташкилотлар, фуқаролар ташаббускор гуруҳлари ўз қузатувчилари тўғрисида округ комиссияларига референдум ўтказилишига кечи билан ўн кун қолганида маълум қилади.

Қонуннинг референдум ўтказувчи округ комиссиясини тузиш тартиби билан боғлиқ 19-моддаси янги тахририга мувофиқ, референдум ўтказувчи округ комиссияси референдум тайинлаш тўғрисидаги қарор эълон қилинганидан кейин Ўзбекистон Республикаси Марказий сайлов комиссияси томонидан ўн кундан кечикмай комиссия раиси, раис ўринбосари, котибидан ва комиссиянинг саккиз — ўн саккиз нафар бошқа аъзоларидан иборат таркибда тузилади. Илгари тўққиз нафар комиссия аъзосидан иборат таркибда тузилган. Шунингдек, референдум ўтказувчи округ комиссиялари аъзоларига номзодлар Қорақалпоғистон Республикаси Жўқорги Кенгесининг, халқ депутатлари вилоятлар ва Тошкент шаҳар Кенгашиларининг мажлисларида муҳокама қилинади ҳамда референдум

тайинлаш тўғрисидаги қарор эълон қилинганидан кейин етти кундан кечикмай Ўзбекистон Республикаси Марказий сайлов комиссияси томонидан тасдиқлаш учун таъсия этилади.

Қонуннинг 21-моддасига киритилган ўзгартириш референдум ўтказувчи участка комиссиясини тузиш билан боғлиқ. Унга қўра, референдум ўтказувчи участка комиссияси референдум тайинлаш тўғрисидаги қарор эълон қилинганидан кейин округ комиссияси томонидан йигирма беш кундан кечикмай беш — ўн тўққиз нафар аъзодан, шу жумладан комиссия раиси, раис ўринбосари ва котибидан иборат таркибда тузилади.

Қонуннинг референдум ўтказувчи комиссияларнинг қарорлари устидан тушган шикоятларни қўриб чиқиш тартибига киритилган ўзгартиришларга биноан, фуқаролар, шунингдек қузатувчилар референдум ўтказувчи комиссияларнинг қарорлари устидан ушбу қарор қабул қилинганидан кейин беш кун ичида судга, Ўзбекистон Республикаси Марказий сайлов комиссиясининг қарорлари устидан эса қарор қабул қилинганидан кейин беш кун ичида судга, Ўзбекистон Республикаси Марказий Олий судига шикоят қилиниши мумкин. Шикоят келиб тушганидан кейин уч кун ичида, агар референдумга олти кундан кам вақт қолган бўлса, дарҳол қўриб чиқилади. Шикоят берган шахслар шикоятни қўриб чиқишда бевосита иштирок

этиш ҳуқуқига эга.

Референдум ўтказувчи комиссиялар референдумни ўтказиш даврида жисмоний ва юридик шахсларнинг ушбу Қонун талаблари бузилганлиги ёки референдумни ташкил этишнинг бошқа масалалари ҳусусида ўзига келиб тушган мурожаатларини ўз ваколатлари доирасида қўриб чиқиши, ушбу мурожаатлар бўйича текширувлар ўтказиши ва уч кунлик муддатда уларга ёзма жавоблар бериши, референдумга камида олти кун қолганда ёки овоз бериш куни келиб тушган мурожаатларни эса дарҳол қўриб чиқиш, жавоб қайтариши шарт.

Референдум ўтказувчи комиссиянинг раиси мурожаатни қўриб чиқиш ва унга доир қарор қабул қилиш учун тегишли комиссияни ушбу Қонунда белгиланган муддатларда чақиради ва унинг мажлисини ўтказиши. Мажлисга манфаатдор шахслар таклиф этилиши мумкин. Қўйилган масалаларни ҳал этиш ўз ваколатига кирмайдиган референдум ўтказувчи участка комиссиясига келиб тушган мурожаат уч кунлик муддатда тегишли органларга юборилади ва мурожаат эгаси бу ҳақда хабардор қилинади.

Мазкур Қонун билан фуқаронинг чет давлатда турган жойида овоз бериш тартиби ҳам белгиланди. Яъни, Ўзбекистон Республикасининг халқро шарҳномаларига ва чет давлатларнинг ваколатли давлат ҳокимияти органлари билан ке-

лишувларга мувофиқ чет давлатларнинг аҳоли зич жойлашган ҳудудларда муддатидан олдин овоз бериш фуқаронинг турган жойида ўтказилиши мумкин. Ўзбекистон Республикасининг чет давлатдаги дипломатик ва бошқа ваколатхонаси ҳузурда тузилган референдум ўтказувчи участка комиссияси фуқароларнинг турган жойида овоз бериш вақти ҳамда жойи тўғрисида қарор қабул қилади ва бу ҳақда фуқароларни, қузатувчиларни оммавий ахборот воситалари орқали хабардор этади. Бу вазиятда фуқароларнинг турган жойида овоз бериши комиссиянинг камида икки нафар аъзоси ҳозирлигида ўтказилади.

Бундан ташқари, юқоридagi қонун билан округ бўйича овоз бериш яқунларини аниқлаш бўйича қўшимча ҳам киритилди. Унга асосан, округ бўйича овоз бериш натижалари референдум ўтказувчи округ комиссияси мажлисида аниқланиб, баённомага киритилади ҳамда мазкур баённоманинг кўчирма нусхаси ҳамма танишиб чиқиши учун дарҳол референдум ўтказувчи округ комиссиясининг биносига камида қирқ саккиз соат муддатга осиб қўйилади.

Шунингдек, агар референдумда қабул қилинган қарорни амалга ошириш учун норматив-ҳуқуқий ҳужжат қабул қилиш талаб этилса, давлат ҳокимияти органи референдумда қабул қилинган қарор кучга кирган кундан эътиборан ўн кун ичида ушбу масала бўйича норматив-ҳуқуқий ҳужжатлар рўйхатини ва уларни тайёрлаш муддатини ўз ваколатлари доирасида белгилashi шарт.

Хулоса қилиб айтишимиз мумкинки, референдум ўтказиш тўғрисидаги қонунчиликнинг такомиллашуви халқ фаровонлиги ва давлатимизнинг таракқиёти учун хизмат қилади. Қолаверса, бўлажак референдум жараёнларининг қонуний ва шаффоф ўтишини таъминлайди.

Икром АЛМАНОВ,
Тошкент шаҳар суди судьяси

ҚОНУНЧИЛИКДАГИ
ЯНГИ ИСЛОҲОТЛАР

МАЪЛУМКИ, жорий йилнинг 12 апрель куни Ўзбекистон Республикасининг “Тўловга қобилиятсизлик тўғрисида”ги Қонуни қабул қилинди. Мазкур ҳужжат билан Ўзбекистон Республикасининг “Банкротлик тўғрисида”ги Қонуни бекор қилинди. Қолаверса, янги қонунга биноан ҳўжалик юритувчи субъектларнинг тўловга қобилиятсизлиги икки тоифага — вақтинча ва доимий тўловга қобилиятсизлик аломатларига ажратилди.

Агар тегишли мажбуриятлар юзага келган санадан эътиборан уч ой ичида қарздор томонидан бажарилмаган бўлса, шахарни ташкил этувчи корхона ҳамда унга тенглаштирилган корхоналар томонидан эса олти ой ичида бажарилмаса, судга мурожаат этиш санасида қарздорнинг пул мажбуриятлари бўйича кредиторлар талабларини қаноатлантиришга ва (ёки) солиқлар ҳамда йиғимлар бўйича ўз мажбуриятларини бажаришга қодир эмаслиги вақтинча

тўловга қобилиятсизлик аломатларини, судга ариза бериш санасидан ва ариза берилган йилнинг бошидаги ҳисобот даврида, агарда ариза йилнинг биринчи чорагида берилган бўлса, утган йилнинг бошидаги ҳисобот даврида қарздорнинг мажбуриятлари унинг активлари қийматидан ошиб кетган бўлса, доимий тўловга қобилиятсизлик аломатларини ташкил этади. Шунингдек, “Тўловга қобилиятсизлик тўғрисида”ги Қонунда тўловга қобилиятсизлик

ишларини амалга ошириш жараёнида суд бошқарувчиларининг ҳуқуқ ва мажбуриятлари кенгроқ ёритилган.

Ўзбекистон Республикасининг бекор қилинган “Банкротлик тўғрисида”ги Қонундан янги қонун ҳужжатининг фарқли жиҳати шундаки, судга қарздорнинг ўзи ва кредитор мурожаат қилиши мумкинлиги, прокурор томонидан эса фақатгина устав фондида (устав капиталда) давлат улуши бўлган ва (ёки) пул мажбуриятлари бўйича Ўзбекистон Республикаси олдида қарзи бўлган юридик шахсларга нисбатан тўловга қобилиятсизлик тўғрисидаги ишлар бўйича судга мурожаат этиш ҳуқуқи сақланиб қолинган. Шу билан бирга, Ўзбекистон Республикасининг “Банкротлик тўғрисида”ги Қонунда тугатишга доир иш қиритиш муддати тўққиз ойдан ошмаслиги кўрсатилган бўлса, янги тахрирдаги Қонун ҳужжати-га биноан ушбу муддат ўн икки ойдан ошмаслиги белгиланган. Ҳўжалик юритувчи субъектларнинг тўловга қобилиятсизлик аломатлари вужудга келганда, уларнинг фаолиятини тиклаш

чоралари ёки аксинча ундирилмасдан келинаётган қарздорликларни ундириш чораси бўлмаганлиги учун уни тугатиш чоралари амалга оширилишини янада соддалаштириш, сохта банкротлик ҳолатларининг олдини олиш бўйича ўз вақтида чоралар қўрилиши “Тўловга қобилиятсизлик тўғрисида”ги Қонуннинг фарқли жиҳатларидандир.

Албатта, янги қонуннинг қабул қилиниши айрим норматив-ҳуқуқий ҳужжатларга ўзгартиш ва қўшимчалар киритилишини тақозо этди. Хусусан, “Тўловга қобилиятсизлик тўғрисида”ги Қонуни 26-моддаси тўртинчи қисмига қўра, тўловга қобилиятсизлигини соддалаштирилган тартиби қўлланилганда, агар қарздор билан бошқача келишув белгиланган бўлмаса, суд бошқарувчисига ҳақ тўлаш харажатларининг ўрни қарздорга нисбатан тўловга қобилиятсизлик тўғрисида иш қўзғатиш ҳақида ариза берган аризачи томонидан қопланади. Бунда суд бошқарувчисига ҳақ тўлаш учун суднинг депозит ҳисобварағига меҳнатга ҳақ тўлаш энг кам миқдорининг етти баравари миқдоридан олдиндан тўлов амалга оширилади. Суд бошқарувчисига ҳақ ҳар бир яқунланган иши учун тўланади деб белгиланган бўлган бўлса,

Ўзбекистон Республикаси Вазирлар Маҳкамасининг 2019 йил 12 сентябрдаги 765-сонли Қарори билан тасдиқланган “Суд бошқарувчилари, уларни аттестациядан (қайта аттестациядан) ўтказиш ва малака аттестатини бериш тартиби тўғрисида”ги Низомнинг 14-бандида, давлат солиқ инспекциясининг қарздорни соддалаштирилган тартибда банкрот деб топиш тўғрисидаги аризасига асосан банкрот деб топилган ҳўжалик юритувчи субъектнинг суд бошқарувчисига қарздор жойлашган жойида давлат солиқ инспекцияси бошлигининг қарорига мувофиқ ҳар бир яқунланган тугатишга доир иш бўйича аризачи томонидан суд бошқарувчисига ҳақ тўлаш харажатлари учун суднинг депозит ҳисобварағига базавий ҳисоблаш миқдорининг уч баравари миқдоридан мукофот тўлаши қўрсатиб ўтилган ва мазкур қарорга бугунги кунга қадар ўзгартириш киритилмаганлиги амалиётда аризачиларнинг ҳақли эътирозларига сабаб бўлмоқда. Шу боис, юқоридagi Низомни тилга олинган қонун талабларига мослаштириш мақсада мувофиқ.

Шомурод БЕГМАТОВ,
Зомин туманлараро
иқтисодий суди раиси

Jizzax viloyati adilya boshqarmasining 2022-yil 21-iyundagi 112-umsonli buyrug'i bilan Qo'shnarzav Normuxammad Boqoyulovichga "Man'uriy va jinoyit usul ishlari ni yuritish" ixtisosligi bo'yicha GZ 000163-sonli, Murdov Shahzod Karim o'g'liga "Iqtisodiy va fuqarolik" usul ishlari ni yuritish ixtisosligi bo'yicha GZ 000164-sonli advokatlik faoliyati bilan shug'ullanish huquqini beruvchi litsenziya berilganligi ma'lum qilindi.

Qashqadaryo viloyati adilya boshqarmasi tomonidan joriy yilning 6-iyun kuni qarshi shag'ar "NASAF HUQUQ MASALAHATCHIS" advokatlari hay'ati advokati Abdullayeva Kamola Abdullayevnaga Toshkent viloyati adilya boshqarmasi tomonidan 2018-yil 27-dekabrda berilgan TS 000212-reyesir raqamli advokatlik faoliyati bilan shug'ullanish huquqini beruvchi litsenziyasi hamda advokatlik mazoni tugatildi.

“Азиза-лойиха” МЧЖ:

Мақсадимиз улуг, режаларимиз катта

Айни кунларда мамлакатимизнинг барча ҳудудларида бунёдкорлик ишлари авжида. Жумладан, Жиззах вилоятида ҳам янги бинолар қад ростламоқда. Ҳудуднинг географик салоҳиятидан келиб чиқиб катта ўзгаришлар қилинмоқда. Жиззахнинг бетакорор табиати янада чирой очиб, вилоятнинг архитектура қиёфаси янгича кўриниш касб этмоқда.



Шаҳар ва туманлар кун сайин чирой очмоқда. Ҳудудлар қиёфасини замонавий ҳолатга келтириш, дунёнинг ривожланган давлатлари тажрибаларига уйғун ҳолда янги бинолар барпо этишга алоҳида эътибор қаратилган.

Фуқароларга қулайлик яратиш мақсадида “Шаҳарсозлик ҳужжатлари экспертизаси” ахборот тизими ҳам ишга туширилган. Ушбу тизим қурилиш соҳасида лойиҳа-смета ҳужжатларини экспертизадан ўтказиш жараёнларини рақамлаштириш ва барча аниқланган камчиликлар, киритилган ўзгаришлар, лойиҳа ҳужжатлари ҳамда экспертиза хулосаларини ягона базада электрон тарзда акс этишини таъминлайди.

— Жорий йилда республикамызда шаҳар ва шаҳарчалар, қишлоқ ва овуллар, маҳалла фуқаролар йиғинлари, аҳоли пунктларининг бош режалари ва бошқа шаҳарсозлик ҳужжатларини ишлаб чиқиш харажатларини қоплаш учун Президентимизнинг 2022 йил 22 январдаги 98-сонли Қарори билан 200 миллиард сўм аблагъ ажратилиш белгиланган эди. Бу ўтган йилгига қараганда анча кўп, — дейди “Азиза-лойиҳа” МЧЖ раҳбари Азиза Юлдашева. — “Шаҳарсозлик” ҳужжатлари экспертизаси ахборот тизимининг қандай қўшимча афзалликлари мавжуд, деган савол кўпчилиكنи қизиқтириш табиий. Тизимнинг асосий вафзаллари лойиҳа сметасининг ҳужжатларини экспертизадан ўтказиш бўйича буюртмачи томонидан мурожаатларни электрон тарзда юбориш ва натижаларни электрон тарзда қабул қилиш, лойиҳа смета ҳужжатларининг электрон шаклини тизимга юклаш ва уни ягона базада сақлашдир. Бундан ташқари, архитектура режалаш топшириги, техник шартлар, лойиҳалашга лицензия электрон шаклда умумий базага юкланади. Экспертлар томонидан аниқланган камчиликларни тизимга киритиб бориш, экспертиза жараёнлари бўйича назорат ва ҳисоботларни автоматик тарзда шакллантириб туриш назоратга олинган.

Қўйилган талаблар ижросини таъминлаш ва қурилиш объектларида бажарилаётган ҳар бир ишни алоҳида назорат қилиш, амалдаги қонунлар доирасида баҳолаб бориш жойлардаги назорат инспекциялари зиммасига юкланган. Бу борада қўшни вилоятларда, Жиззах вилоятининг ўзида ҳам қўллаб-таъминлаш ўтказилаётгани янгитдан қад ростлаётган бино ва иншоотларнинг замон талаблари даражасида бўлишига ҳисса қўшмоқда. Қурилиш тизимининг энг оғир ҳалқаси — лойиҳа санъатининг нафис ва мустаҳкам йўналишлари устида ишлаёт-



ган Азизахонга бу касб онаси Гулнораҳон Юлдашевадан мерос бўлиб ўтган бўлса не ажаб. Нафақат Жиззах вилоятида, балки бутун республика миқёсидаги катта лойиҳалар устида самарали фаолият юритган тажрибали архитекторни бунёдкорлар ҳурмат билан тилга олишади.

Асл лойиҳачи, олийжаноб инсон, мухтарам устоз бўлган бу аёл бугун орамизда йўқ. У ташкил этган лойиҳа ташкилотини бугун унинг ёлғиз фарзанди Азизахон бошқармоқда. У бир неча йилдан буён ёшларни иш билан таъминлаб, 28 нафар ишчи-ҳодимлар билан катта лойиҳаларни амалга ошириб келмоқда. Янги ва мукаммал иқлим шароитларига мос лойиҳаларни буюртмачиларга тақдим этишда аҳил жамоа елкама-елка туриб ишлашга одатланган.

Ўтган йиллар давомида жамоа тайёрлаган лойиҳалар асосида Зомин туманида 60-сонли мактаб реконструкция қилинди. Шу ҳудудда жойлашган болалар оромгоҳининг қурилиши самарали якунланди. Ёшлар ўртасида соғлом турмуш тарзини ривожлантириш учун шу ҳудудда спорт майдони ва бассейн ташкил этилди.

Қўшни Самарқанд вилоятининг Нурабод туманидаги Ибн Сино номли сихатгоҳининг беш қаватли янги даволаш биноси қурилиши, янги, замонавий кўринишдаги кўркам ошхона “Азиза-лойиҳа” МЧЖ жамоасининг меҳнати билан кўнгилдагидек қуриб битказилди.

Заҳматли меҳнат, изланишлар, ижодкорлик, ишга масъулият билан ёндашиш ўзининг самарали натижасини кўрсатди. Ҳудудлардаги буюртмачилардан ташқари қўшни вилоятлардан ҳам буюртмалар кела бошлади.

Сўзимиз исботи сифатида аниқ мисолларга тўхталиб ўтсак. Сирдарё вилоятининг Сардоба туманида жамоа тайёрлаган лойиҳалар асосида 660 ўринли, Ховос туманида эса, 540

ўринли мактаблар қад ростлади. Ширин шаҳри ва Боёвут туманларида 315 ўринли мактабгача таълим муассасалари замонавий кўринишда фойдаланишга топширилди.

Аҳил жамоа масъулият билан ишлаб, қўшни вилоятларнинг шаҳарсозлик инфратузилмасини ҳам янада яхшилашни мақсад қилган. Фарғона туманида 120 ўринли мактабгача таълим ташкилоти биноси қурилиши, Тошкент вилоятининг Ўртачирчқ туманида Республика Футбол ассоциациясининг буюртмасига асосан спорт комплекси қурилиши лойиҳалари ана шулар жумласидандир.

Ёшларни ишга жалб қилиш, бўш иш ўринлари ярмаркасига таклиф қилиш мақсадида Жиззах шаҳридаги коллеж биносини “Ишга марҳамат мономаркази” биноси учун ихтисослаштириш ва қайта қуриш, Жиззах шаҳар ИИБ ЙХХБ ҳодимлари фаолият юритиши учун янги бино қурилиши, вилоят прокуратураси қошидаги бинони муносиб иш шароитлари учун реконструкция қилиш ишлари, аҳоли турар жойларини замонавий кўринишга келтириш, санайверсак адоғи йўқ янги лойиҳалар жамоанинг кучига куч, ғайратига ғайрат қўшмоқда.

Мирзачўл ва Пахтакор туманларидаги кўп қаватли уйлари тўлиқ таъмирлаш лойиҳалари ҳам жамоанинг ҳалол меҳнатлари самарасидир. Вилоятнинг Зомин туманидаги 8, 11, 27, 45-мактаблари мукаммал таъмирлаш лойиҳалари, худди шу тумanning ўзида “Бандликка қўмаклашиш маркази” қурилиши лойиҳаси, 140 ўринли мактабгача таълим ташкилоти биносининг қурилиши лойиҳаси фарзандларимиз келажаги учун муносиб тўхфа бўлди. Зеро, энг яхши инвестиция таълим-тарбияга йўналтирилган инвестициядир.

Бундай истиқболли лойиҳаларни тайёрлашда Денис Баум, Сираж Саяқов, Викрам Туксанов, Жаҳонгир

Ҳайдаров, Темура Саиднасимов, Худойр Холматов, Аделя Баум, Алишер Каримов, Бекзод Бердиқулов, Зарина Носирова сингари тажрибали, ўз ишига масъулиятли ҳодимларнинг дизайнерлик салоҳияти қўл келмоқда. Уларнинг янгидан-янги изланишлари, такорланмас гоёлари билан танишар экансиз, жамоада ҳар бир ҳодимнинг ўз ўрни борлигини англайсиз.

Азалдан Жиззах вилояти ўзининг юксак туристик салоҳияти билан туристларни ўзига мафтун этиб келади. Айниқса, ҳудуднинг бетакорор табиати, сўлим масканлари тўрт фаслда ҳам ўзгача қиёфада намоён бўлади. Бунини яхши англаган жамоа раҳбари, мутахассислар жорий йилда Бахмал туманидаги “Узунбулоқ” аҳоли яшаш пунктида ҳарбий шаҳар инфратузилмасини тубдан яхшилаш ва қайта қуриш лойиҳаси устида иш олиб боришди. Тез орада ватанпарвар ҳарбийлар учун янги шаҳарча бунёд бўлади. Бу эса, осийишталигимиз посбонларига кўрсатилаётган ғамхўрлик ва доимий эътиборнинг яна бир намунасидир.

Аҳоли эҳтиёжларидан келиб чиқиб, Зомин туманининг “Қўштол” маҳалласида ичимлик суви тармоғи қурилиши лойиҳалаштирилган. Лойиҳа амалга ошса, “Ёшлик”, “Пушағор” маҳаллалари аҳолисининг ҳам тоза ичимлик суви муаммоси барҳам топади.

Миллий меъморий обидаларга хорижий сайёҳларни жалб қилиш, ички туризмни янада яхшилаш мақсадида бир қатор янги лойиҳалар амалга оширилмоқда. Ана шундай эзгу мақсадга хизмат қилувчи янги автомобиль йўли Самарқанд вилояти учун янги туристик имкониятлар эшигини очади.

Самарқанд вилояти Пайариқ туманидаги имом ал-Бухорий мажмуаси худудини айланиб ўтадиган янги автомобиль йўли қурилиши учун лойиҳа ҳужжатларини ҳам лойиҳачилар жамоаси самарали якунлашди.

Жиззах шаҳридаги “Умид” нўмли айрим фанларга ихтисослаштирилган мактаб-интернат биносини Президент таълим муассасалари агентлиги тизимида ташкил этилаётган ихтисослашган мактаб-интернатта мослаштириш ва қайта қуриш лойиҳаси ҳам лойиҳачилар томонидан самарали якунланди. Бу бино ҳам замонавий таълим масканига айланмоқда.

Лойиҳа ишини амалга оширишда кенг қамровли гоёлар қўл келмоқда. Бунда нафақат бунёдкорлик жараёнлари, балки ички инфратузилма объектлари, хизмат кўрсатиш жабҳаларини янгиллаш, туризм соҳасига салмоқли ҳисса қўшиш мақсад қилинган. Лойиҳа ташкилоти жамоаси бор куч ва ички имкониятларини ишга солиб, меҳнат қилмоқда.

Қабул қилинаётган ҳаётбахш қонун ҳужжатлари ижросини таъминлашда лойиҳачиларнинг ҳам муносиб ҳиссаси бор. Уларнинг иши билан яқиндан танишиб, аҳил жамоанинг эзгу мақсадлари ва янги гоёлари, истиқболли режаларига ривож тилади.

Гулижаҳон АШУРОВА
тайёрлади.